



Naunaitkutaa uumunga “Nuna Tag” – una naunaitkutaanut Nunavut Hanauyaliuqtanut Naunaitkutaanut

Naunaitkutaliurutaa taaffumunga Nunavut hanauyaliurutainnut pihimayuq talvani Kavamanga Nunavuttip kanuriliurutighaanut tahapkununga hanauyaliuqhimayunut pivianut, “Hanaugait”, anipqaqhimayuq Immaktirvia 2007. Tikittumayaat nappanga hitamat pihimayuq angiklilitunut niuvrutinut thapkununga Nunavunmi hanauyaliuqpaktunut tahapkunuuna nunakyuami ilitariyautjutainni. Anipkangnitaanut naunaitkutamat taaffumunga Nunavunmi hanauyanut hivuliuyuq piyaghaq piyaangani aallangaluni Nunavut hanauyaliuqtainni iklitariyauhariani tamainni nunakyuami.

Havakhimayait nutaamut naunaitkutighaanut pilihaaliqtuq uumani Qiqaiyaqluaqvia 2008. Piangaiyarniarnimun Ingilrayuliyitkullu uqaqvigiyait hanauyaliuqtit tahapkunani 12-ni nunallaani taminni nunami. Amigaitqiyat 200-nit hanauyaliuqtit ikayuqpaktut naunaikhugu piksaa ihuatqiyavulunilu naunaitkutakhaanut Nunavunmi hanauyaliuqhimayunut.

Hannaiyut katimayut ukunani Toronto, Boston uumanilu Vancouver niuvikluaqpaktunut taaffumunga Nunavunmi hanauyaliuqtuni. Qaritauyakkut naunaiktitjut atuqtauvaktuq pivlugit ihumagiyainnik niuvvaavikyuanik hanauyanik, niuviktittiqyuagtunut ikayuqtinutlu tahapkununga Nunavunmi hanauyaliurutaanut. Uqaqvigiyauhuiqmata naunaiktittivlutik uumunga “nuna naunaitkutikhaanut” angiktyauyuq naunaitkutigiymavlugu tahapkununga Nunavunmi Hanauyaliuqhimayunut uumani Ubluqtuhirnirmut Aullaqtirvia 2009.

Makpiraanualiuqhimayut piinnarialgit naunaikhimayut naunaitkutariiliqtaanut. Akuvruat, titkalgit nahat puukhatlu piquqtut taaffumunga Nunavut naunaitkutaanik tuniyayut talvani Nunavunmi Hanauyaliuqtunut Katimatjutaani. Amigaitilaangit taaffumunga 100-mut Nunavut naunaitkutaanut nipitirutighat ukuatlu 50-nik naunaitkutanik tuniyayut taminnut hanauyaliuqpaktunut upautihimayunut katimangmata.

Inuit hanauyaliuqtit Nunavunmi atuqhimmaaqaqniaqtait Inuuliyitukat Kanataup Iglu Naunaitkutaa pikatigilugu taaffumunga Nunavut naunaitkutariyaanut. Una Iglu Naunaitkutaaq naunairutigiyait hanugaliuqhimayut itquumavlutik Kanatami Inuit hanaugangit.